



乾象通鑑卷第二十四

天市垣統占

天市垣星統占

天市西垣所主

客星犯天市垣

流星犯天市垣

天市垣統占


天市東垣所主

月五星犯天市垣

彗孛犯天市垣

雲氣犯天市垣

傳曰天市垣二十二星在房心東北主權衡主聚會衆一曰天
旗庭主戮之事也市口星衆潤澤則歲實熒惑守之金守之
戮不忠之臣彗星掃之為徙市場都客星入之兵大起出之
有貴喪 天文別錄曰天市天子之市也天下之所會也
禮緯含文嘉曰旅人有序則天市垣綺文正明 石申曰



天市垣星明大則市吏急商人無利若天市星微小則市吏弱商人有利市中星眾則歲實星稀則歲虛 邠萌曰天市垣忽然不明則糴貴明則糴賤若市中多小星則民富 黃帝曰天市垣星欲其光明潤澤星多可以積貯其星不明稀小可以發貯易曰日中為市交易交易所主貨遷有無此之象也 古今星釋曰天市垣星直則道路不通商賈為盜賊所掠垣星就聚則人君損兼并商人失利貨賄不通垣星圻踈則國財匱乏 大象旁通曰天市垣二十二星垣星黃潤均明大小等則貨賄相通交易均平東垣十一星暗年穀不登人相食糴貴門左星為首各以其所亡星命其國假令從門左第一星亡則宋地糴貴人飢第二星亡則南海糴貴其他以次命其國東西二十二星俱亡天下大亂歲不熟父子

相易而食餓莩滿野白骨籍籍 天文別錄曰天市垣中星眾明大則歲豐糴賤賈貨利通垣中星稀小而暗則商賈不通貨賄不行垣星明大有芒角光浮而數動搖則市吏急商賈胥怨闐闐如無人之境 大象旁通曰天市垣中星俱明大而有芒角四出乍東乍西則民富國貧人君勢弱臣下威強之象垣中星俱不見則天子損兼并損下益上人民怨謗將起兵為亂 陳卓叙曰天市垣星滅明不常移徙曲直俱失故所則天子易都市一曰國將遷都則市垣移徙 夏氏微言曰天市垣內外忽然俱不見星則天下大亂疆弱相陵小大相吞併社稷顛躋國棄祀

天市東垣所主

傳曰東垣十一星從門左第一星主宋第二星主南海第三星

主燕第四星主東海第五星主徐第六星主吳越第七星主
齊第八星主中山第九星主九河第十星主趙十一星主魏
天文別錄曰東垣十一星欬均明則吉第一星不明宋地
歲凶五穀不熟第二星不明南海歲歉五穀不登他星以次
命其國若垣明大而有芒角四出東光浮數動不止
亦以星次所在命其國則其國有兵喪一曰國用匱乏府庫
空虛 古今星釋曰東垣星直則諸國俱有水旱之災民飢
歲歉東垣星坼則四散不相聯屬其野商賈不通貨財不流
行一曰歲不熟人相食 大象旁通曰東垣星俱亡則天子
征不庭之方誅不受制諸侯 陳卓叙占曰東垣星忽然不
見而復明明而復滅則諸侯以兵叛天子掠中國民財攘商
人貨財

天市西垣所主

傳曰天市西垣十一星從門右第一星主韓第二星主楚第三
星主梁第四星主巴第五星主蜀第六星主秦第七星主周第
八星主鄭第九星主晉第十星主河間第十一星主河中
天文別錄曰西垣十一星欬均明則吉從右第一星不明則
韓國歲歉五穀不熟第二星不明則楚國歲凶年穀不登他
星依次同上命其國若垣星明大而有芒角四出則其國有
兵喪一曰歲凶民飢 古今星釋曰西垣星直則諸國有水
旱之災民飢歲歉財貨不通垣星坼則歲不熟人相食 大
象旁通曰西垣星俱亡則天子征侯甸不服之臣 海上通
占曰填星屈曲若蛇行狀則諸侯有匿一曰天子用誅不順
命諸侯

月五星犯天市垣

石申曰月入天市其國易政 黃帝曰月入天市有更弊之命
 海上通占曰月入天市近臣有抵罪者 河圖遺書曰月入
 天市有變留其中女主有憂大臣有死於市者 郝萌曰月
 犯乘天市粟貴 武密曰月入天市兵起 一曰軍憂將死
 石申曰月暈天市有兵起 郝萌曰五星入天市將相有憂
 一曰五官有憂若五星守天市垣又曰更弊政 武密曰五
 星入天市將凶 黃帝曰五星入市兵大起 洪範傳曰熒
 惑守天市有戮不忠者於市 郝萌曰熒惑守天市大飢又
 曰熒惑守天市避亂失火天下名市移 甘德曰熒惑起天
 市芒角色如血主臣叛 黃帝曰熒惑入天市兵起 郝萌
 曰鎮星守天市人君憂糶大貴 郝萌曰太白入天市國有

謀臣斧鉞大臣戮糶貴 荊州占曰太白守天市兵起 郝
 萌曰辰星守天市蠻夷之君死 古今星釋曰太白經天犯
 市垣中則諸侯有不受制于天子者若有芒角四出東垣第
 一星相射則宋地有兵喪光芒與第二星相射則南海有兵
 喪光芒與第三星相射則燕國有兵喪光芒與第四星至十
 一星相射各以其所指之星命其國有兵喪西垣同上占曰
 陳卓叙占曰熒惑犯東西垣其國有不庭諸侯天子以斧鉞
 之誅占同太白 大象旁通曰辰星與東西垣則有女喪一
 曰后宮有嫡庶相殺 河圖遺書曰鎮星干犯東西垣有蒼
 白色而有光芒角乍東乍西則諸侯有坐法者一曰諸侯不
 面內天子以兵伐坐法 京房外傳曰鎮星逆行失度守天
 市東垣則諸國有兵變亦所犯星命其國守天市西垣則諸

國有兵喪亦以所守星命其國 一行游儀後論曰太白成
鉤已逆行失度犯天市東垣則諸侯有叛命者亦各以所犯
星命其國若犯西垣則占同東垣亦以所犯星命其國 秦
始皇時熒惑守天市芒角色赤是後始皇崩適庶相殺二世
即位殘骨肉戮將相

客星犯天市星

天文錄曰客星入天市大臣戮 司馬彪曰客星入天市有喪
黃帝曰客星守天市度量不平 郝萌曰客星守天市執
法者死若星青黑色當天死若星色白市中亂 河圖遺書
曰客星色蒼白入天市則百辟有憂若守東垣第一星則宋
國有內亂他星各以所守星命其國若犯守西垣星其國有
兵喪亦以所守星命其國 古今星釋曰客星色赤黃入天

市中則天子憂兵變一曰有內亂 陳卓叙占曰客星色青
黑光芒則天子以兵伐諸侯 大象旁通曰客星色青黑光
芒角入守天市中則有貴喪一曰女主大惡之 漢昭帝始
元中蓬星出西方天市東門漢官者梁成恢曰蓬星出六十
日不出三年其下有亂臣戮死于布其後左將軍桀驃騎將
軍安興宮主燕刺王謀反作亂伏其辜 漢宣帝地節元年
六月丙寅客星見貫索至七月癸酉夜入天市芒炎東南指
其色白占曰有戮卿有戮王是時楚王延壽謀逆自殺明年
翟光兄弟及九卿皆謀反咸伏其辜 後漢安帝延光四年
十一月客星見天市占為貴臣喪是時北卿侯懿病薨 後
漢靈帝中平五年六月丁卯客星如三井椀出貫索西南行
入天市占曰為貴人喪明年宮車晏駕

彗孛犯天市星

荆州占曰彗星守天市五穀大貴 運斗樞曰彗星出天市豪傑起 司馬彪曰彗星出天市有徒市場都之事 古今星釋曰彗星出天市中尾掃東垣則諸國有兵喪以所掃星命其國尾掃西垣則諸侯有兵喪亦以所掃星命其國 大衆旁通曰星孛天市中則市中易都徙離故所一曰商賈不通貨財湧貴 陳卓叙占曰彗星本出天市光芒炆二丈所隱隱有聲則王者惡之一曰諸侯有匿謀及天子 河圖遺書曰星孛出天市中犯中座則天子有憂一曰有死君不然亡地 海上通占曰彗星光芒長可三丈所出天市中光芒外射垣星尾奄星不見各以其所掩星命其國其國有革政一曰更王 漢孝章帝建初元年八月庚寅彗星出天市芒長

二尺所稍行入牽牛三度積四十日稍滅占曰彗星出天市為外軍牽牛為吳越是時蠻夷陳縱等反又阜陵王延與子男魴謀及大逆之象 漢孝和帝建和三年八月乙丑彗星芒長五丈見市中東指色黃占曰彗星入天市中至和平元年十二月甲寅梁太后崩梁冀等驕亂伏誅 漢哀帝興寧元年八月有星孛于角亢入天市占曰為兵喪三年正月皇后王氏崩二月帝崩 漢孝靈帝光和元年八月彗星出天市中長數尺稍長至六丈赤色經歷十餘宿八十餘日乃沒於天苑中占曰彗星掃天市帝將易都至初平元年獻帝遷長安 孝獻帝初平四年十月孛星出兩角間東北入天市中而滅占曰彗除舊布新帝將徙天子將易都是時上在長安後二年東遷明年七月至雒陽其八月曹公迎上許都

晉惠帝永康元年十二月彗星出牽牛之西指天市占曰天子亦名天子旗帝座在其中彗出之改元易號之象也明年趙王倫篡位改元尋為兵滅之 晉孝武寧康二年九月丁丑有星孛于天市占曰為兵喪至太元元年五月甲申彗星出天市掃帝坐在房心北房心宋之分野占曰得彗柄者興除舊寘新其后有宋興之象 唐開耀八年九月丙申有彗星于天市中長五丈漸小東行至河鼓癸丑不見占曰貨殖之所聚以衣食生民者一曰帝將遷都河鼓將軍之象

流星犯天市垣

石申曰流星入天市色蒼白萬物貴赤色有火災民多疾 乙巳略例占曰天市有流星出入離座并例宿入濁者天子欲有赦當賜事又曰天子倉庫盈溢五穀君喜 古今星釋曰

流星入天市色蒼白外國大商入都市一曰外國貨入國都市 陳卓叙占曰流星色青白抵觸天市東西垣則諸國糴貴一曰諸國貨不通各以其抵觸星命其國若流星入天市中則有外姦入中都市流星出天市中則天子將易都市 河圖遺書曰流星色赤如火長數丈入天市中則國將亂大臣受誅人君惡之 大象旁通曰若流星出濁入天市中光芒灼若炬火掩沒垣內星則天下將大亂天子當之 京房外傳曰若流星出抵天市東西垣掩垣則大臣受辱一曰諸侯有坐法者 一行游儀後論曰流星起天市垣外芒角入天市中則天子受制于強臣一曰諸侯擅天子柄國都將徙 京房外傳曰流星起自天市中星流出天市入濁則天子將賜大赦一曰德澤及外國 後漢明帝永平元年四月丁

酉流星大如斗起天市市樓西南行光明燭地占曰流星出天市為外兵西南行為西南夷是時益州發兵繫姑復蠻夷大牟替咸陵斬首傳詣京師後漢靈帝中平六年有流星赤如火長三丈入天市抵觸官者黑色白長二三丈後尾再屈食傾乃滅狀如枉矢占曰枉矢流發其官射所失當直而枉者操失者邪枉人也大將軍何進謀誅宦者於省中殺進俱破滅天下由此大亂晉武帝咸康六年二月辛未流星大如二斗魁色赤青光耀地出天市西行入太微占曰大人當之八年六月成帝崩晉安帝元興元年七月己巳有流星起天市五丈所光色赤天市為外軍其年遼東貊人反鈔六縣發上谷漁陽右北平遼西烏桓討之

雲氣犯天市塔

天文錄曰蒼白氣入天市嗇夫遇賊一曰人多疾蒼黑入天市萬物貴出天市物賤赤氣入天市斧鉞用赤氣入天市如波者市有火災若出赤氣出天市有兵弓弩貴黃白氣入天市萬物賤黃白氣如一疋繒常集天市中有奇人入者天子喜出天市有奇物出黑氣入天市則嗇夫死河圖遺書曰黃氣繚繞天市東西垣其國有喜各以其雲氣所當命其國若有青白掩東西垣其國有兵一曰大飢糴貴有赤氣掩東西垣其國有大災一曰民有疫病有黑氣掩西東垣其國有大喪一曰大水溺傷禾稼民飢餓莩如麻相枕于道路

乾象通鑑卷第二十四終

乾象通鑑卷第二十五

天市垣前論

帝星論

宦者星論

斛星論

帝星論

帝星統占

客星犯帝星

流星犯帝星

帝星統占

傳曰帝座星十星在天市中侯星西天廷也光而潤澤則天子吉威令行微小凶大人當之 巫咸曰帝座一星神養所居

列肆星論

侯星論

斗星論

月五星犯帝星

彗孛犯帝星

雲氣犯帝星

占曰其星明潤澤天子威令行微小則大人憂 傳曰帝座
一星在官東帝有五座一紫微二大角三太微四心宿五天
市 甘德曰帝星明大而黃潤則天子昌威令行微小則天
子不吉威令不行勢在臣下若帝星亡則大人當之 荆州
占曰黃帝星光明動大則天子兵強若微小色青黑天子軍
破國亡 春秋合誠圖曰帝星去天市後期十日兵起 海
上通占曰天子德至于天則帝星明潤若明大出四角光浮
而數動搖則天子不安色青黑赤白者天子惡之

月五星犯帝星

武密曰五星犯帝座臣謀主下有叛太白熒惑尤甚 河圖遺
書曰月出帝星陰則禍大出帝星陽則禍小若近之大臣誅
禍亂不成一曰天下大亂 石申曰月行逆犯帝星則大人

有憂 海中占曰月犯帝星有亂臣人主惡之 郝萌曰月

犯帝星臣子叛若月抵帝星有土功事 武密曰月暈帝星有

叛臣 河圖遺書曰客星入帝星則人君有憂一曰天子惡

之 大象旁通曰客星色黃潤出帝星旁則天子出德令以

安天下若客星色赤抵觸帝座則車騎滿野 荆州占曰五

星入帝星其色白皆為有赦若有犯帝星者皆為大亂若五

星中有逆行者入天市近帝星者皆為諸侯將相戮抵帝星

者誠謀不至帝星者不臣各以其日占國 荆州占曰歲星

守帝星大人有憂 甘德曰熒惑入帝星大人戮死于廷又

曰熒惑于帝星臣叛其君

客星犯帝星

荆州占曰客星入留帝星貴人更變令若星色赤朝廷有兵

韓楊曰客星守帝星大臣為亂 荆州占曰客星舍帝座星
旁聖君興治道 石申曰有客星色蒼白犯帝星天子有喪
若抵帝星旁臣有叛者若客星色赤而銳如劍天子以兵驚
一曰以大驚 荆州占曰客星黃白色大如拳抵帝星臣有
獻美女者 陳卓叙占曰客星抵觸帝坐則天子暴驚宗室
大亂王者修郊祀奉宗廟大赦天下則災消
彗孛犯帝星

武密曰彗孛干犯帝座人民亂宮廟大臣憂期三年 天文別
錄曰彗星刺帝星則宮中大亂一曰天子惡之 荆州占曰
彗星如掃抵帝星起兵內亂 武密曰彗星如粉絮犯帝星
則喪兵並起 石申曰彗孛干犯帝星王者憂子孫不昌
河圖遺書曰彗星入天市中抵帝星則名人起兵相征伐天

下大亂 陳卓叙占曰彗孛干犯帝星陵奄座不見則天子
有大喪一曰有白衣會 天文別錄曰彗星本天市外來掃
天市中抵觸帝星則天子大憂一曰宮中及天子廷有匿謀
京房外傳曰彗孛出天市光芒炆垣外則天子自將兵一
曰天子親戎服以伐諸侯

流星干犯帝星

武密曰流星抵帝星諸侯起兵臣謀主貴人更令又曰流星抵
帝星大人憂若抵觸掩星不見國有大喪 河圖遺書曰流
星色蒼白抵帝星則兵大起天子自將兵一曰有暴兵 夏
氏微言曰流星色赤抵帝星期百日地震殺人宮中有大恐
天子無出宮有匿謀者 古今星釋曰流星自天市外入直
抵帝星色黃潤則外國有使懷奸謀不成色赤黑青白奸謀

成一日宮中兵起 天文別錄曰流星貫帝星則天子憂兵
喪一日人君無道外寇內侵 大象旁通曰流星掩帝星色
赤則天子失位一日國將棄祀則流星掩帝星

雲氣犯帝星

荆州占曰蒼白氣抵帝星天子有喪事抵坐旁臣有叛者青赤
氣抵帝星近臣欲謀其君氣者明謀成氣不明者謀不成若
赤氣狀如劍戟抵座則天子諸侯有兵驚若黃氣出天市繞
帝星不出六十日天子徙都市若黃白氣潤澤環繞帝星旁
天子有子孫之喜 武密曰赤黑氣如交蛇及龍形入天市
垣有白衣會若赤氣出帝星經市門出者期九十日近臣有
謀若氣上赤下白大如井口從外入天市中者邪臣之氣其
氣直者貴臣之氣 陶隱居曰帝星主天子之位星欲明潤

而黃有黃氣覆上者天子有喜星暗而白氣覆上或在右環
繞者帝將失位

侯星論

侯星統占

月五星犯侯星

客星犯侯星

彗孛犯侯星

流星犯侯星

雲氣犯侯星

侯星統占

傳曰侯一星在帝座東北主伺候陰陽也明大輔臣強四夷開
張侯細微則國安亡則主失位移則不居常則無咎 古今
星釋曰侯星近帝星主伺候陰陽而變理之星不欲明明則
大臣強盛夷狄不賓內外將亂星微明則君臣之理得星移
徙則人君不安四時失序民有疫癘星亡則天子惡之一曰

國祚將棄則侯星亡 大象旁通曰侯星明大而芒角四出
乍東乍西則大臣跋扈不順星命一曰大臣有匿謀 海上
通占曰侯星暗不見而忽然大則臣下有陰謀王者將易位
夏氏微言曰侯星微明而黃潤則陰陽順序萬物得宜天
下安主道盛星移近帝星則大臣擅天子柄用一曰臣下有
自立者

月五星犯侯星

武密曰月犯侯星輔臣有憂死者 古今星釋曰月犯侯星則
近臣當之一曰近臣受辱則月犯侯星 一行游儀後論曰
月掩侯星則大臣以事坐法一曰臣下有匿謀事則坐誅
大象旁通曰歲星逆行守侯星則陰陽失序五穀不成歲飢
人相食 陳卓叙占曰熒惑逆犯侯星則大臣變理無功天

下恐歲旱五穀不熟赤地千里人死如亂麻 夏氏微言曰
鎮星逆犯侯星則大臣興造役民興土功天下怨謗國將起
兵若太白犯侯星則大臣以兵叛主色黃事不成色青白赤
黑則有篡弒之禍辰星犯之則大水傷禾稼民飢

彗孛犯侯星

武密曰彗守侯星輔守受黜又曰孛星犯侯星大臣謀叛 古
今星釋曰彗星如帚掃侯星不見者則大臣失職事敗坐法
大象旁通曰星孛侯星旁則輔臣死不然被黜一曰孛侯
旁則大臣死亡 古今星釋曰彗星掃侯星則大臣有以事
坐法者尾近帝星則大臣謀主不抵帝星事不成尾抵帝星
則人臣篡奪之禍

流星犯侯星

天文別錄曰流星色蒼白抵觸侯星則侍臣有匿謀通外姦謀及人君 天文總占曰流星赤色抵侯星則外國使者入天子廷近臣倭主以通外姦一日大臣通外國姦使以事敗坐誅 陳卓叙占曰流星色黃出侯星旁則天子遣大臣出使各以其所之命其國一日天子與外夷講和好

雲氣犯侯星

武密曰黑雲氣掩侯星則大臣有憂陰陽失道百官無尊卑礼一日朝廷不治則黑氣奄侯星若黃氣下覆侯星則人臣擅天子權一日人臣侵主權禮樂征伐不自天子出

宦者星

宦者星統占

月五星犯宦者星

客星犯宦者星

彗孛犯宦者星

流星犯宦者星

雲氣犯宦者星

宦者星統占

傳曰宦者四星在帝座西南侍主之近臣也星微吉非其常近臣憂 武密曰宦者侍常傍主侍臣 陶隱居曰星微則吉明威動搖非其常處則近臣憂 傳曰宦者四星帝座西南側主刑餘之人也星微則吉明則凶非其常宦者憂亦曰闒人占與勢星同 古今星釋曰宦者星主助宣王命內常侍官也星微明則吉星明大則內侍竊主柄 大象旁通曰宦者星明大而有芒角四出則內侍專恣擅君柄威令天下星移徙失其故常則宦臣失勢 京房外傳曰宦者星光浮而動搖移徙不止者內侍有匿謀宮中大亂一日宮中有外寇侍臣以坐誅 夏氏微言曰宦者星出怒角色青白則刑餘之

人握國兵柄一曰賞罰之柄付刑餘人

月五星犯宦者星

武密曰月干犯宦者星侍臣有憂 古今星釋曰月逆行失度

犯宦者星則內侍專權干國時政 天文別錄曰歲星逆犯

宦者星則中官有憂色黃則中官受天子寵命色青赤黑白

則內侍失勢 大象旁通曰熒惑逆犯宦者星則刑餘之人

受殃若出怒角與宦者光芒相抵觸則朝廷大臣與宦者爭

權隨星所掩者受殃若太白逆犯宦者星則中官掌兵權

客星犯宦者星

天文別錄曰客星干犯宦者星則中使有憂一曰內侍失君寵

天文總占曰客星守宦者中官有暴貴者一曰內侍得君

權 陳卓叙占曰客星大如瓜乘宦者不去及五十日而去

去而復來則內侍通外姦以事坐法

彗孛犯宦者星

武密曰彗孛守犯侍臣有憂 陳卓叙占曰彗孛干犯宦者星

則宦臣竊君權一曰內侍秉政則星孛宦者 古今星釋曰

彗本在宦者內官受辱一曰陰貴人犯法 大象旁通曰星

孛宦者則中官失勢一曰內侍有陰謀逆君不成坐法死

流星犯宦者星

武密曰流星干犯近臣有憂 陳卓叙占曰流星干犯宦者則

刑餘大臣受賜一曰亦辱兵起 古今星釋曰流星犯宦者

則貴臣惡之一曰百官有憂 後漢靈帝中平中有流星如

大長三丈起河鼓入天市抵觸宦者星色白長二三丈後尾

再屈食傾乃消狀似枉矢流發其宮射所為失當直而枉者

操邪枉人也中平六年大將軍何進謀盡誅中官於省中殺
進俱兩被滅天下有此大壞

雲氣犯宦者星

武密曰黃白氣入宦者星中官受賜赤氣入宦者星中官謀叛
黑氣入宦者星中官有憂 陳卓叙占曰赤黃入宦者星則
中官受賜君寵命有青白氣入宦者星則內侍犯法坐誅
河圖遺書曰有紫氣盤覆于宦者星上則內官以兵謀叛及
天子有篡弒之禍一曰內侍通天子

斗星論

斗星統占

月五星犯斗星

客星犯斗星

彗孛犯斗星

流星犯斗星

雲氣犯斗星

斗星統占

傳曰斗五星在宦者西南主量也

陶隱居曰斗星覆則歲豐

熟斗星仰則歲不熟

武密曰斗五星在宦者南天斛之北

主平量仰則天下斛斗不平覆則歲穰又曰斗五星傍市東

垣近北門仰則大飢荒則反是

古今星釋曰斗星主量不

欲其明明則天下斛斗不均星仰亦若是星直則人君損下
益上百姓怨毒星踈圻則五穀不登糴貴天下不用斛斗人
相食星就聚則天子重賦歛百姓胥怨星移徙出市中則五
穀不入市百姓絕糧斗覆則歲稔斗仰則大荒一曰赤地千
里粒米不收民飢死

月五星犯斗星

天文別錄曰月逆行犯五斗星則天下糴貴民相食 天文

總占曰歲星犯斗星色黃潤則天下物帛賤糴不論錢若色青白赤黑及有芒角則天下大凶市多餓夫死者橫道路古今星釋曰熒惑犯斗星則市有火災色青白黑赤則焚萬家窮人力不能救 大象旁通曰太白經天守斗星則天子憂食百姓可知若辰星守斗星則斛斗無用于市天下大水傷禾稼民飢

客星犯斗星

天文別錄曰客星干犯斗星則百姓私用斗斛下民爭殺市中 天文總占曰客星色蒼白干犯斗星則都市吏急商賈怨謗流毒天下 古今星釋曰客星色黃犯斗星則天下斛斗均平五穀熟糴賤 大象旁通曰客星色青白有怒角四出則大寇掠都市殺人橫屍血流通衢

彗孛犯斗星

武密曰彗星干犯斗星其下大荒 天文別錄曰彗星掃天市抵斗星則掩星不見天下糴貴王者憂飢 古今星釋曰星孛干天市觸斗星則天下有水旱之災斗量無用其飢可知 海上通占曰彗星如粉絮掃尾天市垣星本近斗星王者易都市商賈貨賄為寇賊掠斗斛不均平百姓怨謗流毒天下

流星犯斗星

天文別錄曰流星抵觸斗星則百穀不順成年凶歲歉若色黃則災淺色青赤白黑則尤甚 古今星釋曰流星起天市外直抵觸斗星都市將遷若色青白則外國貴貨入都市 雲氣犯斗星

天文別錄曰有黃氣入斗星則年穀豐稔百穀順成糴賤都市
安寧有青白氣入北斗星則暴兵起都市一曰年凶盜起有
黑氣入斗星則大水入市人民漂溺糴貴人飢

斛星論

斛星統占

月五星犯斛星

客星犯斛星

彗孛犯斛星

流星犯斛星

雲氣犯斛星

斛星統占

傳曰斛四星在斗南主度量分銖筭數占曰星不明則凶亡則
年飢又曰市數北四星曰天斛主量者也占同斗星 天文
別錄曰斛四星主量以分筭數也星明潤則糴賤星暗不明
則年凶明大而角四出則天下有飢民糴貴十倍 古

今星釋曰斛星直則歲不登人相食斛星踈圻則五穀有水
旱之灾斗斛不用斛星就聚則人君重賦斂流毒四海

月五星犯斛星

天文別錄曰月犯斛星則五穀不熟糴貴 天文總占曰歲星
守斛星黃潤而明則年穀順成百姓胥悅糴賤熒惑守斛星
則火灾都市百貨為灰燼太白逆犯斛星都市或經天逆犯
天下大荒死人滿野鎮星犯斛星都市空虚辰星守之則大
水入通衢風濤波發屋舍五穀為魚鼈食人飢多死亡

客星犯斛星

天文別錄曰客星干犯斛星則百姓用私都市分爭殺人流血
通衢 古今釋曰客星干犯斛星則市都吏急剝刻商賈流
毒四方 陳卓叙占曰客星大如椀色蒼白抵斛星則外寇

掠都市一曰糴貴天下飢荒

彗孛犯斛星

天文別錄曰彗星掃斛星其下大荒 天文總占曰彗星出天

市掃斛星則天下糴貴王者憂飢 陳卓叙占曰彗星如粉

絮掃斛星則其尾曲如蛇狀環繞市垣則天子徙都市 古

今星釋曰星孛天市抵斛星則百姓有飢色

流星犯斛星 天文別錄曰流星犯斛星則斗斛不均糴貴人君賦歛重天下

怨謗 古今星釋曰流星出天市抵斛星則王者都市有貴

貨人入一曰外國大商貨至

雲氣犯斛星

天文別錄曰黃氣入斛星則貨貴都市中有赤青氣入斛天下

大荒人民餓死者衆有白氣入斛星則兵起都市以摘商賈

財賄有黑氣入斛星天下大水穀不成民飢

列星論

列肆星統占

月五星犯列肆星

客星犯列肆星

彗孛犯列肆星

流星犯列肆星

雲氣犯列肆星

列肆星統占

傳曰列肆星二星在天斛西北主貨金玉珠璣 武密曰其星

移則列肆不安 石申曰列肆星明則吉暗則反是又曰列

肆二星市中傍西垣南北列珠寶珍之貨占曰移則市不安

寧金火守入兵大起居常則無咎 天文別錄曰列肆星明

則都市有貴寶珍玉以實國用星暗則商賈不通泉府空虛

國計匱乏 大象旁通曰列肆星明大有怒角則市吏急大商賈不行府庫不充實星踈拆則天子徙都市國財乏星就聚賄財益上百姓貧乏 古今星釋曰商賈不行則列肆星徒光浮而數動搖則市吏重率斂商賈不通 大象旁通曰列肆星赤則貨聚兼并 一曰貨財積于下

月五星犯列肆星

大象占曰太白熒惑入列肆兵起 一曰國用耗乏 天文別錄曰月犯列肆星則大臣起兵以叛人君 一曰兵起市肆 古今星釋曰太白犯列肆則有急兵 一曰天子以財聚兵兵反謀上若太白經天犯列肆則市人為兵

客星犯列肆星

天文別錄曰客星大如五升器乘守列肆不去留五十日以上

者則天子與民較利 一曰天子較錐刀則客星舍列肆 古今星釋曰客星色蒼白守列肆星不下者則珍寶入兼并家色赤黃則有巨商入都市黑色則歲歉色純白則為兵喪

彗孛犯列肆星

天文別錄曰彗星出列肆則寶玉耗國則匱乏若彗本在列肆光芒炘天市外尾掃斗斛星則國用大耗民困於下 一曰兵起不測以妬民用 大象旁通曰星孛列肆中奄星不見則天子財用不足

流星犯列肆星

天文別錄曰流星抵列肆色黃則海外巨賈入天子都市 一曰貴貨入市並資國用 古今星釋曰流星起天市外直入抵觸列肆色赤則都市有火災商賈告窮 大象旁通曰流

星抵天市列肆隆隆有聲則賈商匱乏人君重斂一曰流星
聲隆隆有大商反告窮

雲氣犯列肆星

天文別錄曰有黃氣入列肆星天子有寶玉璣珠以充府庫

古今星釋曰有赤氣入列肆則寶玉為灰燼 陳卓叙占曰

有黑氣入列肆星則天下大荒民貧困

天市垣後論
天市垣後論
天市垣後論

乾象通鑑卷第二十五終

乾象通鑑卷第二十五終

乾象通鑑卷第二十六

天市垣後論

宗正星論

宗人星論

宗星論

屠肆星論

帛度星論

車肆星論

市樓星論

宗正星論

宗正星統占

客星犯宗正星

彗孛犯宗正星

流星犯宗正星

雲氣犯宗正星

宗正星統占

傳曰宗正二星在帝座東南大夫也

武密曰宗正主司得失之官

陶隱居曰宗正星暗失色宗族有事

天文別錄曰宗正星明潤則天子親睦九族宗正星暗及變色

則人君宗族不和一曰宗正有變

天文總曰占宗正二星圻不相睽屬主宗族離散皇族不相保

宗失正位之兆宗正星就聚則王族威強奪天子威宗正以事坐廢

古今星釋曰宗正星明大而有光芒則宗族下循禮法一曰宗

正有坐法

陳卓叙占曰宗正星暗色青黑者則王族不振一曰天子宗族不威強

大象旁通曰宗正星明潤而黃色者則天子親親以睦皇族盛

強本支不衰司宗者受寵命

客星犯宗正星

傳曰客星守宗正主更號令

武密曰客星守宗正法改令又曰客星貫宗正人君不親宗親

又曰客星守之勤則天子親屬有變客星守之貴人死

古今星釋曰客星如粉絮大如椀碗守宗正星則宗族有憂一

曰天子近親有死者

陳卓叙占曰客星守宗正星則皇族惡之一曰後宮有憂

彗孛犯宗正星

傳曰彗星守之若失色宗正有事

武密曰彗守之若失色宗正有事又曰彗孛干犯宗正宗正黜

古今星釋曰宗正星旁彗出則主司宗族者惡之一曰宗正死

大象旁通曰彗星出天市尾掃宗正則司宗族者惡有憂不然
被黜若尾掃宗人星不見宗正與宗人有隙以事坐法
陳卓叙占曰彗字宗正旁則宗正以事逐遠方一曰星字宗正
旁主司宗者亡

夏氏微言曰宗正星中有出彗光明芒若火炬天垣外則天子
宗族失勢宗正失職

流星犯宗正星

天文別錄曰流星出天市抵宗正星則宗族盛司宗者難其官
若色赤則宗正受寵皇族皇族循禮法若色白青黑則皇族
無禮法人倫失序後宮多爭訟

天文總占曰流星出宗正中則天子遺親族出使一曰親族質
外國

古今星釋曰流星出宗正色黃則皇族受天子寵色青白黑赤
俱凶
陳卓叙占曰流星出天市外入抵觸宗正星則宗族不受天子
制一星皇綱不振王族有陰謀者

雲氣犯宗正星

天文別錄曰黃氣入宗正中則宗正受天子爵賞一曰宗正有
喜赤氣入宗正則宗正失職青白入宗正則宗正將兵黑雲
氣入宗正則親族離散骨肉不相保

古今廣占曰白雲氣環繞入宗正中則人君授兵權于近族以
兵事坐廢

宗人星論

宗人星統占

客星犯宗人星

彗孛犯宗人星

流星犯宗人星

雲氣犯宗人星

宗人星統占

傳曰宗人四星在宗正東主錄親踈享祀族人有序則如綺文而動明則天子親屬有疾凶不詳

古今星釋曰天子睦九族則宗人星如綺文而明若光浮而動

入搖則王族有憂入宗五中限宗五受天子爵賞十日宗五首

大象旁通曰宗人四星在宗族主錄親踈享祀天子親親以睦

皇族有叙則宗人星明潤而色黃若變色而數動搖則親踈

刺相踰尊卑失序一曰宗人有憂限宗五星限宗五不受天子

陳卓叙占曰宗人星暗則天子親屬有憂一曰有內變若宗人

星圻則王族不盛若宗人星就聚則後宮有陰謀若宗人星

屈曲不如綺文則宗人死不然坐廢

河圖遺書曰宗人星光浮而出怒角乍東乍西則宗室捍強不

遵禮法有犯上課若星移徙近帝星則天子失威權

客星犯宗人星

傳曰客星守宗人貴人死

武密曰客星色蒼白乘守宗人星不下則皇族有驚憂若色赤

則宗族有變卑踰尊踈踰戚一曰以事坐廢

古今星釋曰客星如粉絮守宗人星留舍五十日不去者天子

親踈有離心一曰王族通外姦謀不成坐廢

彗孛犯宗人星

天文別錄曰彗孛星出天市尾掃宗人星則宗室有匿謀一曰

天子親屬有變

天文總論曰星孛宗人星旁則後宮有憂一曰有內變
古今星釋曰彗星本宗人星旁尾掃近帝星則宗族有陰謀謀
及天子

流星犯宗人星
天文別錄曰流星入天市中抵觸宗人星則尊卑失序九族不
相親睦一曰後宮不承祭享

古今星釋曰流星出宗人旁直抵帝星旁則天子親屬以兵背
叛

大象旁通曰流星抵觸宗人則天子不親睦宗族一曰宗屬造
妖言誘天子

雲氣犯宗人星
天文別錄曰黃雲氣入宗人星則天子錄親屬遠近第等賜賚

有差若赤色氣入宗人星則後宮有火災若蒼白氣掩宗人
星則後宮有兵起宗族散亡若黑氣入宗人星其殃尤甚

天文總論曰有黃赤氣相間入宗人星則王者裂土分封親屬
有青白氣入宗人星則天子以兵征叛族

宗星論
宗星統占
彗孛犯宗星
雲氣犯宗星

宗星統占
傳曰宗星二星在侯星東宗室之象帝輔血脉之臣也

陶隱居曰宗星去帝座稍遠主錄皇家親疎等級明則族人
古序暗則宗室弱

古今星釋曰宗星二星俱明有常則王者親親以睦星暗失帝

則宗室微弱皇綱不振

大象旁通曰宗星折則帝死近親一曰後宮有喪宗星亡一星

則帝失親輔血脉之臣二星俱亡則王者宗族離散骨肉不

相保二星聚光芒相掩者則王族盛強不受制于天一曰皇

族跋扈則宗星相掩

天文別錄曰宗星移徙近帝星則宗室有匿謀及天子欲傾覆

宗社必有篡奪之禍光芒相及則謀成光芒相遠則謀不成

客星犯宗星

傳曰客星守宗星則宗枝不和一曰親屬不睦

古今星釋曰客星抵宗星則王者親屬尊卑相踰不循禮法一

曰本支有變則流星觸宗星

大象旁通曰客星如粉絮入市垣直抵宗星則宗室專傲以誣

天子

陳卓叙占曰客星光芒四出星体若椀大乘守宗星留五十日

不去者後宮有變亂事皇族不綱貴臣坐廢

彗字犯宗星

武密曰彗字二星犯宗人黜

天文別錄曰彗星本出宗星光芒掃帝星則宗室威強跋扈無

君專恣不逞有陰謀以及人君尾不掩星則謀不成反以事

敗坐誅尾掃掩星則有篡弒之禍

古今星釋曰星字宗星側行宗族有憂懼事一曰皇族惡之

大象旁通曰星字宗星則宗人被黜甚則死一曰貴臣薨

流星犯宗星

天文別錄曰流星抵觸宗星則宗族有強悍不逞者以事敗坐廢

古今星釋曰流星出宗星則色黃者天子遣宗屬出使或曰入質列國若流星起宗星流自天市門出色青白則強宗在外以兵叛天子

雲氣犯宗星

天文錄曰有蒼白雲氣奄宗星者主宗室被甲冑一曰後宮有兵若有黃雲氣起宗星下覆不散亦不掩星則皇族受錫予若黑雲氣掩宗星則後宮有陰謀

屠肆星論

屠肆星統占

客星犯屠肆星

彗孛犯屠肆星

流星犯屠肆星

雲氣犯屠肆星

屠肆星統占

傳曰屠肆星在帛度北主屠宰烹殺占其星明大則肆多宰殺

天文微細則不然

天文別錄曰屠肆二星主宰殺事占曰星明大則多屠戮微明而細小則天下不事烹庖

古今星釋曰屠肆星圻則王者嗜口腹天厨多屠宰一曰人主

恣殺則屠肆星圻屠肆二星就聚則屠宰出豪傑二星相近

天光芒相及則屠者處高位星明大光芒四坐出乍東乍西則

屠宰有刺客以光芒所指命其國

古今客星犯屠肆星

天文別錄曰客星犯屠肆星則庖人受爵賞一曰天子恣烹殺則

庖人受官

古今星釋曰客星抵觸屠肆星則庖者進毒殺人

彗星犯屠肆星

子西命其國

天文別錄曰彗星出天市尾掃屠肆殺人以其夷族若彗本在屠肆尾掃帝坐則庖宰進毒食于人君不奄星則謀不成

古今星釋曰星字屠肆星則天下多屠宰上下嗜烹庖一曰烹

庖大甚則星字屠中

流星犯屠肆星

星至宰肆事古曰星入天市則大國受災

天文別錄曰流星色蒼白自天市入抵屠肆則外國進貢口味

入國

星至宰肆事古曰星入天市則大國受災

古今星釋曰流星起屠肆星側流出天市外黑色則屠者受貴

出刺外夷人君若星隆隆有聲則謀不成無聲則屠者利

雲氣犯屠肆星

天市

天市

天文別錄曰有蒼白氣入屠肆則天下多傷生命嗜飲食有黑

雲氣入屠肆則國多恣殺有黃氣覆屠肆則屠宰受賞國宰

殺者雲氣亦然

帛度星

帛度星

帛度星

帛度星統占天市而後客星犯帛度星

彗星犯帛度星

雲氣犯帛度星

古今帛度星統占天市

傳曰帛度二星在東星東北主度量買賣平貨易曰者占其星

大則尺量平而商人不欺不然反是

武密曰帛度明大尺平商喜市吏公忠

天文別錄曰帛度星明潤而黃澤則市吏不急商賈通行度量均平上下不欺星暗而微小則市吏急斂重不公損上益下商賈道塞公私不同闐闐如無人之境
古今星釋曰帛度星坼則天下度量不均市多訟亡一星則財貨不平易市吏聚斂不公二星俱亡則閔市不通商賈不行
陳卓叙占曰帛度星主度量貨財之象明大有芒角失故常則商賈不入市若光浮而數動搖及移徙則市吏不法重斂商旅刻剝市井而怨謗四起

客星犯帛度星

武密曰客星守帛度星終帛大貴
陳卓叙占曰彗星出帛度星中則絲帛湧貴尺度不平彗星本在帛度尾掃垣外則國財耗竭用度不足

天文別錄曰客星色蒼白守帛度則外國巨商入境客星色黃潤抵觸帛度則商賈通行有貨平易國富民裕
大象旁通曰客星如大桎椀入天市抵帛度則百貨貴商人不入市

古今星釋曰客星色青白出芒角犯天市帛度則寇盜入市怨掠民財

彗星犯帛度星

武密曰彗孛星守帛度終帛大資
陳卓叙占曰彗星出帛度中則絲帛湧貴天度不平彗星本在百度尾掃垣外則國財耗竭用度不足
大象旁通曰星孛帛度中則百貨貴市吏不以欺商賈
古今星釋曰星孛帛度奄二星不見者奄其陽則金玉耗散奄

其陰則絲帛不收

流星犯帛度星

天文別錄曰流星色蒼白抵帛度則市都交易多欺弊市吏不

刺法專恣刻剝流毒商賈

天文總占曰流星色黃抵帛度則有珍貨入市一曰市官公正

不若商賈國富民裕色若青黑俱凶

雲氣犯帛度星

天文別錄曰黑氣入帛度則闐闐空虛奇耗不致商賈不行一

曰市中起蒼白氣入帛度亦主兵雲入則兵入市都雲環繞

不去則兵起市井

陳卓叙占曰黃氣入帛度則有珍貨商賈至亦曰巨商入都市

井

車肆星論

車肆統占

彗孛犯車肆星

雲氣犯車肆星

車肆統占

傳曰車肆二星在天市門中主百貨賣物占其星不明則車棄

畫行明則吉

大象占曰市門左星內二星曰車肆主衆賈之區又車肆在市

門之左主車駕曰占不見則車棄畫行

天文別錄曰車肆主貨賄所在商賈之區又星明潤而黃澤則

旅賈集都市百貨通行星暗則數動搖則商賈不通百貨湧

貴國不市利

古今星釋曰車肆星在市門之左亦主車駕星明大明車輟輻
湊以奔闐闐星暗則車棄盡行一日車不繼軌
天文總占曰車肆星圻則市吏重斂刻剥過甚商賈不行官不
市利

河圖遺書曰車肆一星亡則商賈不行百貨暴貴二星俱亡則

市利不法以事坐罪者

客星犯車肆星 市門中主百貨賣物占其星不即限車棄

武密曰客星守車肆天下兵盡發

天文別錄曰客星如粉絮抵觸車肆則車騎滿天下有兵

大象旁通曰客星入天市門左直抵車肆星守之不去及五十

日不下者市人親戎服

彗星犯車肆星

武密曰彗星守車肆天下兵盡廢

天文別錄曰彗星掃車肆星則天下有兵柄所在者勝若本在

車肆尾帝座側車駕有虞

古今星釋曰彗星入天市外尾入抵車肆星則商賈不行市遷

徙

大象旁通曰星守車肆則天子徙都市一曰闐闐無人則星守

車肆

流星犯車肆星

天文別錄曰流星入抵車肆則夷狄遣使車入境色黃則吉或

入貢色白青黑皆為姦使

古今星釋曰流星入天市車肆則天子遣使入外國一曰流星

出車肆則輶車出疆

雲氣犯車肆

天文別錄曰黑雲氣入車肆則闕市有狂寇掠商賈財賄又曰百貨不入市有黃氣入車肆則百湧貴

天文市樓星論星入於車肆限與外並對車入意多黃限吉也

市樓星統占

客星犯市樓星

彗孛犯市樓星

流星犯市樓星

雲氣犯市樓星車報限天子封疆市一日開無人限星

市樓星統占

傳曰市樓六星在天市中箕星北主闕闡律度制令不許市

陶隱居曰市樓主闕闡之首令布曹官也

大象占曰市樓星明則吉暗則市吏不理又曰市吏不理又曰

在市樓六星在箕宿之北俯臨名曰市樓市府也主市賈律度

其陽為金錢其為珠玉變見各以所主占之

天文別錄曰市樓六星三三相連箕比臨俯曰市樓主闕闡法

度制令亦曰市都之官也明星則市貨平星暗商賈不行市

吏急務不法以斂之六星就聚則都市有奇六星拆及移徙

不定則市吏不法貨易不均下多怨百貨貴闕闡空虛

古今星釋曰市樓三星亡則律度制令不行市都六星俱亡則

市官欺獎以剝商賈闕市若無人之境

客星犯市樓星

陶隱居曰客星守樓市門闕多亂限闕闡下大失一日客星

天文別錄曰客星如枉椀大乘守市樓五十日不下則闕市兵

起一曰市人貫甲冑中限市人商入市市一日貴賈人闕

天文總占曰客星如粉絮守市樓色蒼白則百貨市吏急商賈

不入闌闐
古今星釋曰客星入市樓中則有巨商入都市一曰貴貨入闌
闐中

大象旁通曰客星色赤守市樓中則闌闐有火災一曰客守市
樓則百貨為灰燼

彗孛犯市樓星
市彗孛犯市樓星

天文別錄曰彗星出市樓中則市纏有兵一曰闌市有急兵一
曰狂寇入市井

天文總論曰彗星本市樓中尾掃天市中帝座則府庫空虛國
用匱乏太子憂國計若本在垣外尾掃市樓星則天子徙都

市商賈不通貨貴
市商賈不通貨貴

大象旁通曰星孛市樓中則市吏不公律度無用市井有怨言

財賄不入市若星孛于陽則金錢棄地無主若星孛于陰則
珠玉如塵土

流星犯市樓星
流星犯市樓星

天文別錄曰流星抵入市樓則外國有巨商賈奇貨入境色黃
則吉餘色俱凶

大象旁通曰流星入抵市樓陽則金錢入市都抵觸其陰則珠
玉入市井流星起市樓出天市外則金錢珠玉客以其所出

方命其國
方命其國

大象占曰流星如斗器大起天市中市樓旁則為外兵流星起
市垣外入市樓中為百貨餘各以其色占之

雲氣犯市樓星
雲氣犯市樓星

天文別錄曰有黑氣入市樓中闌闐兵起流血通衢有蒼白氣

入市樓則市井衣甲胄一日市人親戎服若有赤氣入市樓中則百貨湧貴市吏不公黃雲氣入市樓中則奇貨珠玉金帛併不入都市者一曰國富民裕則黃復市樓

聖旨編

河間府免解進士臣李季奉

乾象通鑑卷第二十六終

乾象通鑑卷第二十七

列舍角宿前論

角宿統占

角宿所主分野度数

角宿所管星

日蝕角宿

日暈角宿

月蝕角宿

月暈角宿

月犯角宿

角宿統占

傳曰角二星為天閼其間天門也其內天庭也故黃道經其中七曜之所行左角為天田為理主刑其南為太陽道右角為將主兵其北為太陰蓋天之三門猶房之四表其星明大王道太平賢者在朝動搖移徙王者行天文錄曰角為三光軌道順從則吉廷僻抵觸則吉

却萌曰角星明大賢者在朝廷又曰左角亦明治獄平

黃帝曰角微小又明則王道失

荊州占曰左右角動搖非其常人主有憂

天官書曰蒼帝行德天門為關

陶隱居曰角壽星也南左角名天津北右角為天門角中為天

關角星明大天下太平暗及芒角動搖王者失政

古今星釋曰角宿二星其間為日月五星經行之常道也其星

明潤而光澤主天子以德化治天下王道平朝廷治星坼不

相聯屬主王道弛廢星就聚則五星不循道天下多災變星

暗則王道失星亡則天下大亂

大象旁通曰左右角星光浮而數動者人主有大憂一曰王者

失政若星移徙不居其常主王者徙都亦曰天子不安宮闕

故天官書所謂左右角中為天關者是也

一行游儀後論曰左右角明而又赤黃主兵寢刑措天下大治

若星明而色青白主王者不修文德以觀武也

京房外傳曰左右角二星相迫是謂天門閉主天下滯荒失政

天下不治一曰天門閉國政廢

角宿度數分野

角二星赤一十二度距南星去極九十七度在赤道外六度舊

唐一行測角距南星去極九十一度

天文書曰角所主鄭兗東郡山陽泰山外國伽密夜市迦陵并

九小國

角宿所管星

平道星在角中央東西斜列其東星入角三度天田星在角北其東星入角四度

周鼎星其西南星入角五度右攝提三星北大星入角三度

天門星其東星入角一度平星其東星入角二度

庫樓星南星入角四度五桂星三三相連散庫樓中均在角南入角五度

衡星其西北星入角三度陽門星其西星入角一度

南門星其東星入角五度天牀星其西北星入角二度

帝席星在角北其西南入角一十二度

折威星其西星入角一十二度

星日蝕角宿

天文錄曰日蝕在角蝕戒之於始耕田之臣也

天文總論曰日蝕主鬪將吏耕田臣有憂

晉書天文志曰日在角蝕蝕淺者禍淺蝕深者禍深角為天門

王者惡之

武密曰日在角蝕至尊憂

陶隱居曰日蝕在右角其邦不實

大象旁通曰日蝕左右角在甲乙日人君憂歲歉在丙丁日天

子政令不行疆臣奪柄在戊巳日者王者興功在庚辛日天

子尚武亦曰王者自將兵在壬癸日臣下有逆謀

一行游儀後論曰日蝕在角有黑雲奄覆主國有大喪日蝕右

角有黑雲相奄主國有女喪日蝕天門中天子惡

夏氏微言曰日蝕在左右角幾既主人君不安宗社危

京房外傳曰日蝕角人主不安角天廷也日有蝕之故人君不

安宮庭

古今通占曰日蝕角幾既其下國亡一曰人主惡之若蝕不在

朔或二日及晦日其國大喪亦曰有更主

廣古今占曰日蝕角宿中宮門當閉一曰防內變又曰鄭又死

君

星傳曰角鄭分野角中為天子不宜出宮以防內亂

陳卓叙占曰正月甲乙朔日有蝕之在左右角主人君有大憂

一曰有內憂若四月丙丁朔日有蝕之在左右角人君死一

曰國亡故正月歲始也四月正陽也二者日蝕在角人君惡

之

日暈角宿

天文總論曰日暈角主憂主內有陰謀君以赦除之其國用兵

得地

陶隱居曰日暈角王者大赦用兵一曰有急兵日暈三重內蒼

白外青赤其國歲饑糴貴

古今通占曰日暈左右角五重赤青白黃內外相間中有黑氣

摩日往來出沒天子惡之一曰宮禁有陰謀若中外有黃雲

氣奄覆者天子有大赦期八十日

一行游儀後論曰日暈左角復有白暈環左將軍有殃日暈右

角復有白暈環貫者右將軍不利若左右角俱暈在中亦有

白暈重環貫之者其下人君惡之不有破軍必有屠城
廣古今占曰日暈左右角及七重復有白虹貫之者其下有亡
國若暈七重傍有兩珥有黑氣奄日者無兵兵起一曰先起
者勝

陳卓叙占曰左右角有黃暈三重中有黃赤氣上下奄覆主人
君賜國有喜慶事若黃暈不閉口期百二十日有納土者
京房外傳曰左右角有青暈內赤黃及再重者其國進女樂者
中有黑氣奄覆人君淫荒不親政事

天文錄曰月蝕角宿

天文錄曰月蝕角大臣憂獄事

武密曰月在角宿法官憂黜

陶隱居曰月蝕角有臣為亂一曰其邦不實

陳卓叙占曰月蝕左右角其國執法者有憂一曰執法者以失
職被斥逐若蝕近左角則左輔有殃蝕近右角右弼被黜月
臣象也月在角蝕之故臣下有憂

古今通占曰月在角蝕幾既主纔臣在旁賢相死若兩軍相當
月蝕既在左右角先舉者死大將一曰主將惡之

廣古今占曰月蝕角在甲乙日大臣有憂在丙丁日其國有內
變在戊巳日大臣憂獄事出兵則不利主將一曰大將死之
在庚辛日有急戰非盜而賊也在壬癸日宮中有匿謀一曰
其國大水

大象旁通曰月蝕左右角非其月非其國篡弑之禍一曰國將
失祚則月蝕非其月角天廷也故主國失祚也

一行游儀後論曰月蝕在角主國有大憂若黑雲氣相奄覆主

宰相不死即逐

月暈角宿

天文別錄曰月暈角有角虫死其分士卒有兵兵罷後百日起先起者勝暈右角右將軍有殃暈左角左將軍有殃

天文總論曰月暈角有灾色黃者吉當有德令若二月暈角五月有大赦

石甲曰月入天門及兩角聞而暈三重兵起天下道絕將失利兵亡

海中占曰月暈角民饑

却萌曰月暈角多風雨又曰以正月暈角公子死正月戊己暈左右角有喪

廣古今占曰月暈在左右角有黃雲相奄主天子有德令若暈

上有黃冠或中有黃氣者其國得土

大象旁通曰月暈左右角在正月甲乙朔期五日內暴雨不爾

有赦在正月丙丁日歲大旱赤地千里在正月戊己日國多

土功下民勞怨在正月庚辛日有兵兵罷無兵兵起一曰不

利舉大將在正月壬癸日歲多大水糴貴民流

陳卓叙占曰兩軍相當月暈左右角中有黑氣相奄覆先戰者

將軍先之

京房外傳曰月暈左右角色白者天子自將兵一曰內有亂色

黃者其國有喜慶事

古今通占曰月暈左右角春甲乙日其野有兵喪大人當之夏

丙丁日女主于朝政秋庚辛日主人君憂兵一曰國有內變

冬壬癸日其國大水灾毀城邑泛人民歲歉四季戊己日其

國興大役下民勞怨

月犯角宿

天文別錄曰月犯角大人惡之犯左角則大臣誅犯右角者則有兵

天文總論曰月犯左角大戰犯右角胡主憂天下多雨

武密曰月犯左角中行為出天門中道則百姓安寧歲多美則

無兵

陶隱居曰月入角在陽為早在陰為水

河圖帝覽嬉曰角星貫月三年國君死若月乘左角法官誅乘

右角兵起

荆州占曰月出左角南三尺多獄以至于丈天子明盛又曰乘

右角將相有坐法者

却萌曰月乘左角為旱右角為水

洪範傳曰月蝕熒惑在角亢憂在宮中非盜而賊也一曰相死

讒臣在傍

李淳風曰月犯角大人有憂獄事

武密曰若兩軍相當月犯左角大人有憂獄事若犯右角戰則

將軍死之

大象旁通曰月犯左角抵觸右角人主有憂國內亂一曰天庭

有急兵

古今通占曰月奄左右角不見天子不安宮廷一曰朝廷有陰

大臣又曰下犯上臣逆君之象也

陳卓叙占曰月抵左右角則光芒相及其國有死君一曰有亂

君

廣古今占曰月乘左右角星不奄者其國有兵喪若兩軍相當
射月乘左右角不下者戰則不利主將
京房外傳曰月犯右角奄星不見則賢臣誅姦佞在君側若犯
古左角奄星不見則忠臣受戮政事急下民勞怨一曰國祚將
亡則月奄左右角星俱不見

乾象通鑑卷第二十七終

乾象通鑑卷第二十八
列舍角宿後論

歲星犯角宿

熒惑犯角宿

鎮星犯角宿

太白犯角宿

辰星犯角宿

客星犯角宿

彗星犯角宿

孛星犯角宿

流星犯角宿

雲氣犯角宿

歲星犯角宿

天文錄曰歲星犯角民多疾疫

天文總論曰歲星守角間五穀成一曰大赦

武密曰歲星犯守乘左角七日巳上天大赦守右角賢士用期

七十日

海中占曰歲星逆行左右角為旱

孝經右秘曰木犯角天下大病

却萌曰木蝕角女子多死乘右角為兵將相有坐法者若守角

政事急有千里之行處其北五穀不收若逆行角其君出入

不時

海中占曰歲星守角忠臣受戮

武密曰歲星犯守乘左角有大赦守右角賢士用

石申占曰歲星犯天田五穀不成又曰守角南已北宜黍稷

陶隱居曰歲星守角七日有赦忠臣用

李佺曰歲星乘犯右角大將憂

古今星釋曰歲星犯左角天子有德令一曰有大赦期五十日

犯右角人君親賢士一曰進賢退不肖則歲乘角

大象旁通曰歲星失度逆行逆犯左右角主天子有憂若有芒

角天子政令不行臣下專政不自君出

張平子略例曰歲星不循軌守左右角留五十日不去者其國

大憂一曰有急兵謀及宗社

河圖遺書曰歲星犯守亢中行順主天子施德令在下亦日期

五十日有大赦

陳卓叙占曰歲星失度凌犯左右角其國有暴兵起亦曰天子

政令不行若凌犯留五十日以上者天子以亡德失國

熒惑犯角宿

天文錄曰熒惑犯角則有赦

天文總論曰熒惑犯角貴臣有憂若守左角有兵守右角有赦

陶隱居曰熒惑犯左右角左右群臣有謀不成伏誅守角宿相

受誅繒帛貴

石申曰熒惑守角忠臣賢相受誅繒帛貴有戰伐宮中有盜賊若入角君道不通兵起若環繞鈎已者國內大饑君勿行有伏兵若犯角有戰守左角大尉死守右角五穀不熟犯左右角左右群臣有謀不成伏誅

石申曰熒惑入角中國君衰敗兵起犯左右角則有征伐臣謀叛

文曜鈎曰熒惑與角合相死

甘德曰熒惑入左角有赦入右角兵起若守左角校尉死廷尉有憂守右角將軍死大尉有憂若熒惑入天門以去復反守之闕梁不通

黃帝曰熒惑居角成鈎已環繞有芒如鋒又天子勿出宮廷又

曰熒惑守南角出其南多病出其北死亡行右角中國有殃左角海國有殃又曰守角西為父母後為妻前為子女東為已身

却萌曰熒惑守角饒臣進事急若熒惑出復反之天下亂又曰熒惑起角利如鋒及經角間三十日而三由之人主無下殿無下殿無出宮廊廟之間有伏兵一曰熒惑過兩角南北多雨若留角其國受殃

巫咸曰熒惑舍天門人主絕嗣

李佺曰熒惑犯左右角有兵

古今星釋曰熒惑干犯左右角中主朝廷有內憂亦曰朝綱不振若來去成已者天子失勢受制于強臣大象旁通曰熒惑退行失度逆犯左右角其國有逆臣謀叛伏

誅若凌犯則留五十日以上者大臣惡之又曰宰相誣法
河圖遺書曰熒惑經天犯左右角主三光有非臣之變天子有

憂朝廷有兵變又曰內廷有匿謀

一行游儀後論曰熒惑守左右角間積三十日不去者其下有
謀臣一曰有陰謀又曰朝廷有姦臣在位

鎮星犯角宿

天文錄曰鎮星犯左角大戰一曰有不臣者
天文總論曰鎮星犯右角將軍死守左角及天門者國有真人
出守右角人君好田獵一曰有水兵災

陶隱居曰鎮星守角內主有喜

陳卓叙占曰鎮星乘左角有早乘右角將相坐法者

石申曰鎮星守角萬物不成

甘德曰鎮星守角后有喜

巫咸曰鎮星守角為水有兵災

海中占曰鎮星守角五穀多傷若守左右角者其色潤澤即歲

熟

却萌曰鎮星守角不明者安安女主少子若逆行女主出入不

時又曰鎮星出天門中兵在外者罷

荆州占曰鎮星出入角留舍六十日天下多暴獄若鎮星起右

角之左角廷尉執

陶隱居曰鎮星守角內主有憂守六十日國有忿爭

武密曰鎮星守右角天子好遊獵又曰鎮星守西角間軍興國

廷關梁不通

李淳風曰鎮星守角為水為兵災

李佺曰鎮星犯左角大戰將軍死守右角有兵

太白犯角宿

天文錄曰太白犯左角大戰不勝將軍死又曰守犯角道路不

通守角色黃大臣益地多色赤臣下欲叛

天文總論曰太白守角一尺以上至六十太子驕溢貴人自將

兵於野

黃帝曰太白乘左角群臣有謀不成以家法坐罪又曰太白入

角天子自將於野則民多疾疫若守右角者則五穀不成歲

大水

却前曰太白守角三十日大赦若入角亢間有貴客來

陶隱居曰太白守角天下有兵大戰國有怨爭若太白與熒惑

合守太白居後者破軍殺將

武密曰太白逆行合角間有刺客天子明慎之

李佺曰太白犯角大戰不勝將死

辰星犯角宿

天文錄曰辰星乘右角將相若后家族有坐法死者一曰憂水

為兵為小星辰守角萬物不成王者刑罰急若守左角為水

右角為旱入角有善令

天文總論曰辰星久守角水流滂滂舟船相望守兩角間閼梁

不通

陶隱居曰辰星守角有水災

海中占曰辰星守角色黑為水色赤則為旱色青則為憂色白

則為喪

陶隱居曰辰星守角王者刑罰急有火災

李淳風曰辰星留兩間角關津不通

客星犯角宿

天文錄曰客星入角五穀傷虫蝗守角有賤臣從外入大臣有亂者凶犯大旱富民貧獄理多寃大赦右角小有兵匈奴兵起不用逆守右角穀貴客守兩角間赦期不出三十日守百入日天下中隔不通

天文總論曰客星守左角色赤者旱五穀不登守右角其下有大水災

武密曰客星干犯兩角白者兵起大戰邦有憂其色赤戰所至必有破軍侵城期七十日或三年

陶隱居曰客星守角旱五穀焦風雨不調若客星入兩角間色白者兵起國有大喪色破者軍破城陷

彗星犯角宿

天文錄曰彗星干犯兩角間色白者軍起不戰邦有憂其色赤

戰所指必有破軍侵城期七日或三年

天文總論曰彗星出角天下兵亂

武密曰彗星入角長可六七尺有改易王

陶隱居曰彗星入角間色黑者軍敗陷城

韓陽曰慧星出右彙恣外連禍

陳卓叙占曰彗星出角天子起王廷貴大賊入國

李淳風曰彗星出角改易王者暴兵起期三年

武密曰彗星出兩角間市將易都

李星犯角宿

武密曰李星干犯兩角間白者軍起不戰邦有憂

石申曰彗星入角間色赤軍敗城陷
古今星釋曰星字于左右角間其下有急兵色黃白者不戰入
君有驚憂

大象旁通曰星字于左右角中其國君憂兵若色赤者不有破
軍必有屠滅

陳卓叙占曰星字于左右角間色青白有芒角其下有更王
流星犯角宿

天文錄曰流星出兩角間天子之使也色白入兩角間有諸侯
客來者有令口色黃入兩角有貴來見君而者

天文抵論曰流星犯左角兵起更有擊者色赤以兵擊色黃以
土功色白以有憂色黑病色青憂係流星入兩角間天子遣

使于諸侯國 武密曰流星抵角，不動巨款亂而戰成

此頁底子方丹九之的抄已十分周正半個不取入甚為可恨若此再與書抄字
勢流銷出仿得銷出善修而活之字不痛恨非但字得不好有詞件太多誤書人多不識要觀之

石申曰流星入角間天子發使如外國有使入中國

陶隱居曰流星出角天子發使如外國流星從它宿入角間外
國有使入中國

乙巳例畧曰流星入角隣國有使入賀出角則大使出民安又
曰角為天門使星出入兩角間皆為天子大使出入

雲氣犯角宿

天文錄曰黃氣有直入兩間天子祠神黃白氣潤澤入右角得
地赤氣入左角有兵兵敗出右角戰者憂將無功青氣入兩
角間天子憂疾祠祀即無咎也

武密曰黑氣入右角兵偏將敗白氣入左角戰不勝
却萌曰有氣入劔刃出兩角間天子疾病

李淳風曰有雲蒼色入左角有赦出右兵戰

武家曰赤氣入角國驚有戰白氣入角戰開不勝

赤氣入角國驚有戰白氣入角戰開不勝

赤氣入角國驚有戰白氣入角戰開不勝

赤氣入角國驚有戰白氣入角戰開不勝

赤氣入角國驚有戰白氣入角戰開不勝

赤氣入角國驚有戰白氣入角戰開不勝

乾象通鑑卷第二十八終



